

**RAZVOJNA BANKA FEDERACIJE
BOSNE I HERCEGOVINE
Predsjednik Uprave**

Broj: 1027-III/22
Sarajevo, 26.01.2022. godine

Na osnovu člana 69. stav (3) Zakona o javnim nabavkama Bosne i Hercegovine („Službeni glasnik BiH“, broj: 39/14), člana 20. Statuta Razvojne banke Federacije Bosne i Hercegovine u postupku nabavke advokatskih usluga za potrebe Razvojne banke Federacije BiH, v.d. predsjednika Uprave Banke donosi

ODLUKU

o otkazivanju postupka javne nabavke advokatskih usluga za potrebe Razvojne banke Federacije BiH (usluge iz Anexa II dio B Zakona o javnim nabavkama)

I

Otkazuje se postupak nabavke advokatskih usluga za potrebe Razvojne banke Federacije BiH broj: 5817-U-XI/21 od 21.06.2021. godine, objavljen na internet stranici ugovornog organa.

II

Postupak iz tačke I se otkazuje u skladu sa članom 69. stav (3) Zakona o javnim nabavkama Bosne i Hercegovine, odnosno zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

III

Postupak se otkazuje zbog nedostatka u tenderskoj dokumentaciji, a koji se odnosi na predviđanje pravnih radnji – pravnih lijekova u predmetima koji su navedeni pod rednim brojem 11. i 15. Tabele koja sadrži specifikaciju usluga. Obzirom da je ulaganje pravnog lijeka jedna od bitnih pravnih radnji u postupku, potpisivanje ugovora po uslugama koje su date u tenderskoj dokumentaciji, ova nabavka ne bi odgovarala stvarnim potrebama ugovornog organa.

IV

U skladu sa članom 70. stav (6) Zakona o javnim nabavkama Bosne i Hercegovine ova odluka će se objaviti na internet stranici ugovornog organa www.rfbih.ba i to istovremeno sa upućivanjem odluke ponuđačima koji su učestvovali u postupku javne nabavke.

V

Ova odluka stupa na snagu danom donošenja.

OBRAZLOŽENJE

Razvojna banka FBiH je u skladu sa odredbama člana 8. stav (1) Zakona o javnim nabavkama Bosne i Hercegovine, te na osnovu odredbi Pravilnika o postupku dodjele ugovora o uslugama iz Anexa II odjel B Zakona o javnim nabavkama Bosne Hercegovine

pokrenula postupak za nabavku advokatskih usluga za potrebe Razvojne banke FBiH broj 5817-U-XI/21 od 21.06.2021. godine.

Dana 07.07.2021. godine Komisija za provođenje postupka i pregovaranja u postupku ugovaranja advokatskih usluga pristupila je otvaranju ponuda kojom prilikom je konstatovala da su u roku zaprimljene dvije ponude.

Ugovorni organ je uočio da tenderska dokumentacija sadrži nedostatak koji se odnosi na propuštanje predviđanja pravnih radnji – pravnih lijekova u predmetima koji su navedeni pod rednim brojem 11. i 15. Tabele koja sadrži specifikaciju usluga. Naime, ugovorni organ je prilikom sačinjavanja specifikacije usluga vodio računa o izmijenjenom režimu rada sudova u Federaciji BiH a koji je bio uzrokovan pandemijom virusa COVID 19, te dinamikom zakazivanja ročišta i donošenja presuda u 2020. godini, odnosno od početka pandemije. Kako je, u međuvremenu, došlo do ublažavanja mjera za sprečavanje širenja zaraze, te uočene stabilizacije dinamike rada sudova za opravdano je očekivati da se toku kalendarske godine može očekivati okončanje postupka pred prvostepenim sudom. S obzirom da je ulaganje pravnog lijeka jedna od bitnih pravnih radnji u postupku, potpisivanje ugovora po uslugama koje su date u tenderskoj dokumentaciji, ova nabavka ne bi odgovala stvarnim potrebama ugovornog organa.

Kako se ugovor o javnoj nabavci zaključuje na osnovu tenderske dokumentacije i ponude najpovoljnijeg ponuđača, te se uslovi iz tenderske dokumentacije ne mogu mijenjati prilikom zaključenja ugovora, a u skladu sa članom 72. stav (5) Zakona o javnim nabavkama BiH, zaključenjem ugovora prema specifikaciji usluga iz tenderske dokumentacije i prema ponudi ponuđača koja je dana na osnovu iste, ugovorni organ bi bio izložen riziku gubljenja sporova.

Ugovorni organ bi zaključenjem takvog ugovora došao u situaciju da počne sa realizacijom manjkavog ugovora odnosno koji ne obuhvata ono što ugovorni organ zaista treba. Za realizaciju koja je svrsishodna za ugovorni organ bio bi neophodan aneks ugovora u smislu proširenja obima usluga, a što nije dozvoljeno Zakonom o javnim nabavkama BiH.

Imajući u vidu naprijed navedeno, te kako je u postupku tek trebala uslijediti faza ocjene i pregleda ponuda odnosno kako nema naznaka kojem ponuđaču bi bio dodijeljen ugovor evidentno je da ugovorni organ nije imao namjeru da otkazuje postupak nego da je isto prinuđen učiniti kako bi u ponovljenom postupku nabavio ono što mu je zaista potrebno.

Pouka o pravnom lijeku: Protiv ove Odluke može se izjaviti žalba u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi direktno, elektronskim putem ili preporučeno poštanskom pošiljkom, a podnosi u najmanje 3 (tri) primjerka.



v.d. predsjednik Uprave

Mensud Bašić

Dostaviti:

- Učesnicima u postupku